

**FRANC. ERN.  
BRUCKMANNI, MED.  
DOCT. ACAD. CÆSAR.  
NAT. CUR. ET SOC.  
REG. PRUSS. SCIENT...**

---

Franz Ernst Bruckmann



EPISTOLA ITINERARIA L  
MEMORABILIA MUSEI  
LESSERIANI

SISTENS.

AD

*VIRUM PRÆNOBILISSIMUM, CLARISSIMUM  
ATQUE DOCTISSIMUM DOMINUM,  
DOMINUM*

**HENNING. JOH.  
SIEMENS,**

MED. DOCT. ET CŌSTITVTVM A SERENISSIMO ET  
POTENTISSIMO MAGNÆ BRITANNIÆ REGE ET  
PRINCIPE ELECTORE HANNOV. &c.

UT ET

SERENISS. DUCE BRUNSVIC. ET LUNEB. &c. MEDICUM PRACTICUM  
PRO METALLURGIS HERCYNIÆ INFERIORIS PRÆTAN-  
TISSIMUM, EXARATA

FRANCISCO ERNESTO BRÜCKMANNO, D.

---

CUM FIG. ÆNEIS.

---

LYCOPOL. MDCCXXXV.

THE UNIVERSITY OF CHICAGO  
LIBRARY  
1911

FOR THE  
LIBRARY

THE UNIVERSITY OF CHICAGO  
LIBRARY  
1911



NOBILISSIME, DOCTISSIME  
ATQVE  
HONORATISSIME  
DOMINE DOCTOR,  
*FAVOR ET AMICE SVAVISSIME!*

---



Dispice in charta, *Vir Nobilissime*, Frid.  
Christ. Lesseri, in inclita libera S. R. L.  
civitate Nordhufa nati, ibidemque ad Mon-  
tem Divæ Mariæ virginis Pastoris vigilan-  
tissimi, & orphanotrophæi administrato-  
ris museum rerum curiosarum, quod con-  
templandum *Tibi* offerimus. Reverend.

Dom. Possessor hoc ipse, indefesso studio & curiosa diligen-  
tia, in itineribus collegit partim, partim & ope fautorum,  
vario hinc inde non sine sumptibus, instituto commercio litte-  
rario auxit, inque duas divisit partes. Ordinem naturalem  
in his disponendis sequutus est; quemadmodum enim natura  
polyædrali artem præcedit, partim quia materiam rebus arti-  
ficiofis

ficioſis conſciendis e divite ſuo penu præbet, partim quia artiſices naturam ducem imitantur; ita enim res naturales artiſicialibus prætulit. In inſtituendo ordine rerum naturalium ea uſus eſt methodo, quam natura in progignendis rebus ſervat, ut ab ignobilioribus ad nobiliora, ab imperfectionibus ad perfectionia, aſcenderit. Diſpeſcuit igitur Dom. Poſſeſſor res naturales, ſecundum tria naturæ regna, in minerales, vegetabiles & animales, attendendo ordinem, ab ipſo naturæ omnipotente fabricatore adhibitum, qui ſecundum oraculi Moſaici in Genef. C. I. ex aquis terram, & quicquid in ea continetur, collegit, v. 9. 10. Deinde vegetabilia e terra eduxit, v. 11. 12. & tunc demum animalia produxit, v. 20. ut haberent, ſedem, ubi habitarent, & cibum, quo veſcerentur. Hunc ordinem, a creatore impreſſum, natura adhuc hodie ſervat. *Regnum minerale* (vocabulo, τὸ minerale, in ſenſu latiffimo ſumpto) in hoc muſeo tres continet ſectiones, nempe foſſilium, in ſpecieſſic dictorum, lapidum & mineralium.

Inter *foſſilia* aſſervat D. Poſſ. varias *terras*, quas artiſices & medici in uſum trahunt; *ſalia*, inter quæ ſpectantur diaphana, ſal gemmæ Polonicum; cui affine eſt Bottendorſſenſe ex Thuringia; ſub cœruleum Sowarienſe Hungar. rubrum Salſburgenſe; alumina, nitra, vitriola; mineram vitrioli ſeiſilem ex Cypro; mineram elegantem vitriolo viridi nativè gravidam; vitriol. cœrul. pellucid. Cypricum & Hungar. Herengrundenſe; idem ultimi loci rarum ex cœruleo rubicundum, it. ejusdem loci ex albo rubicundum. *Concreta pinguis*, ſcorpiorum ſulphuream Veſuvii montis; Arſenici ſpecies; bitumina in terra & mari reperta; ſuccina variorum colorum, albi, nigri, cerei, citrini, rubei. Adeſt ſuccini fruſtum, cui aranea ineſt; nec non ſuccini pars elegans gnaphalium aquaticum continens. Lapidem Dom. Poſſ. ita locavit, ut primo conſpici poſſint *lapides ex terra eruti*, deinde *ex animalibus deſcendi*. Ex terra erutos diviſit in *ignobiles & nobiles*; priores diviſit in *amorphos*, figura carentes, & *imorphos*, figura gradus, quorum ſubdiviſiones continent lapides non figura-

tos meliores, respectu ad alios lapides habito, & duriores. Figurat distinctit in eos, qui provenerunt ex lusu naturæ, transmutatione, & impressione. Nobiles distributi sunt ab illo in diaphanos & obscuros. Lapidex animalibus ita asservat, ut possit ostendere illos, qui in animalibus concreverunt; & illos, qui ab istis deglutiti sunt. Ex omnibus curiosiora & rariora tantum specimina adnotabimus.

Inter lap. figura defixatur molliores sunt Alabastritz, Amianthi, calcarii, Galaclitz, gypsa, pumices, speculares, talca, tophi, in specie Amianthus Persicus ex oppido Derbent; lap. specularis rhomboidalis Islandic.

Inter duriores sunt arenæ variz variorum colorum, cotes, marmora, lap. cornei &c. inpr. autem: Marmor Quersunt. politum, duobus cornubus Ammon. totam lapidis substantiam permeantibus, insigne, in quibus interna concamerationum vestigia, jucunda oculi delectatione, conspici possunt, simile fere illi, quod Ep. It. XXV. T. II. fig. III. in are expressum est. It. aliud, varias foliorum, quales pictores scribere solent, ramificationes, Germ. Frantzösisch Laubwerck, ostendens, inter quas visui patet turbinitz septem spiris constantis interior structura, quarum spirarum parietes intergerini e fluore selenitico semidiaphano constant. Hæ autem in lapidibus obvix ramificationes, sunt nihil aliud, quam conchæ, cochleæ, turbinitz & alia corpora marina multifaria petrificata, quæ perubique, infra & supra, non aliter ac confusum Chaos, acervatim cum tota lapidis substantia, tunc temporis molli, permixta; horum ductus, gyri & lineæ confusæ oculis exhibent sic dictas ramificationes. Adest lap. cornueus variis striis parallelis centrum cingens, & Achatem mentiens; it. figuram cordis representans, it. coracini coloris, Zinziberis radicem æmulans; it. lactei coloris, agri Halensis, cui impressiones duorum lapidum Judaicorum; it. caput ossis femoris exacte exprimens. Inter filices adest Pruslicus quidam Piliapiensis ex mari, ponderis duarum librarum & quadrantis,

Cui *Quercus marina* adnata est. Hæc sine ramis planta, foliis oblongis & latis prædita est, quæ, quamdiu sub aquis latent, mollia, & atra viriditate prædita, sunt, quando vero ex aquis depromuntur, in saxis diffusa reperiuntur, & siccata nigrescunt, glutinisque instar splendent; folia sunt multifida, & secundum alarum processus bullas quasdam eminentes rotundas l. oblongas habent; nullis firmantur radicibus, sed lepidum more vel faxis, l. ostreorum testis adherent. Mirum certe, quomodo tam duro lapidi nihilominus adherere, & ex iis nutrimentum capere valeant? Curiositas nunc oculos ducit ad perlustrandos laudati musei lapides figuræ ex hisu nature. Sub hoc intelligimus accidentalem, variis ex causis ortam lapidum figuram, quæ res nonnullas naturales alias, aut artefactas, externa quadam similitudine imitatur, licet neque ratione externæ formæ, proportionis, aliarumque qualitatum, neque ratione internæ structuræ, adeo exacte cum corpore, quod præsentat, conveniat. Hic vero terminus ideo apud lithologos retinetur, partim ne confusio terminorum oriatur, a lithographis enim semel receptus & jure civitatis quasi donatus est; partim, quod intellectus sic ideam habeat, quæ reprehensionem de jure non mereatur. Quatuor autem classes his lapidibus assignavit; Prima continet lapides *Zographicos* l. pictor, qui l. a succis sulphureis & vitriolicis in superficie plana figuras quasdam rerum naturalium aut artificialium, miniato quasi artificio pictas, exprimunt; l. ex confusis variis massis, si lapides poliantur, picturas in superficie mentiuntur, totam lapidis substantiam permeantes.

Asservat lapidem *astrographitum* l. *Alabastritum album*, stellis *selemiticis* canis conspicuum, quem ære exprimi curavimus P. II. Magnal. Dei in locis subterr. T. VII. fig. I. ab ipso ante annos aliquot in vicinia Northusæ Steigeræ valli, zu Steigerthal, vico præfecturæ Hohnsteinensis, in Comitatu Stolbergensi, primum detectum, quem Dom. inventor ideo *Astroritem spurium* denominavit, ut eum a veris *Astroitis*, qui ad Coralliorum familiam pertinent, distingueret. Possidet quoque

que pyritem, per medium diffractum, in cujus binis lateribus internis caput galli Calecutani conspicitur, quod affabre oculis, collo, rostro cum proboscide conspicuum est, suoque se colore fulco a colore corneo lapidis distinguit. Habet dendritas varios; Florentinum, l. potius Veronensem album, politum, arbusculis nigris subtilissimis totam lapidis massam permeantibus, insignem; Dendritem ex pago Holzengel, ditionis Sondershusinæ, muscum saxatilem repentem minimum colore nigro in lapide cinereo duro præsentantem. Dendrit. Buchholzensen a Dom. Possessore primum inventum; est lapis scissilis ex pullo canus, cujus superficies colore flavescente obducta, muscum coralloidem latifolium Casp. Bauhini nigro colore splendente adumbrat, visui eo acceptior, quo distinctius color niger a flavescente se distinguit. c. fig.

Ista classis habet *lapides anaglyphicos*, surgente supra su- Tab. 7.  
perficiem figura, qui lapides etiam interdum toti ex matricibus Fig. 1.  
separari possunt, aut separati jam existunt. Attendi merentur *Majores* l. lap. mamamæ femineam cum papilla exhibens; *Colites* membrum virile pueruli præsentans, quem lapidem Rev. D. Poss. in sua ad celeb. D. Frid. Hoffmannum Epist. de lapid. cur. circa Nordhusam inveniri solitis, ita descripsit: „Habet hic meus lapis scrotum, habet penem, non erectum, sed scroto naturali situ incumbentem, habet præputium, „mentule quasi obductum, „ &c. *lapis buglossus*, figura & magnitudine linguam bovinam æmulans, quem circa Daxingshusam, præfecturæ Sondershusinæ Clingenensis in Thuringia vicum, legit, ubi tanta copia inveniuntur, ut plaustris integris avehi queant, quando pluviarum impetus eos ex proclivitate arabilis terræ elavit. Tacemus *amygdaloidas*, *coccomeleas*, *Zingiberitas*, *carpolites*, &c. Tertia classis æsservat lapides *diaglyphicos*, incisa l. etiam perforata in lapide figura; pertinent huc lapides fistulosi, perforati, & impr. *Helica* l. *lap. solares* *Hydra Hercynia*, qui ad diversorium publicum, Auerhahn cognominatum, in altissimis Goslarum inter & Celler campum montibus situm; it. in monte Brußtero, inveniuntur, quales Ep.



Ep. lt. XXXII. Tab. II. fig. V. in ære expressos sistit. Lapis est quasi arenosus, sed durus, albicans, cinereus, flavus, brun-  
 nus, innumeris folibus, radiis subtilissimis, coloris modo  
 lucido-punicei, modo flavidi, varix magnitudinis, circum-  
 ferentiam tamen quadrantem grossi non excedentis, miro  
 artificio elegantissime quasi exsculptis, hinc inde per totam  
 lapidis massam sparxis. Nonnunquam duo ejusmodi soles  
 sibi invicem in lapidis visceribus oppositi cernuntur, interce-  
 dente spatio l. cavitate, in cujus medio subtilissima columnula  
 l. stellula l. etiam tenuissimus saltem axis spectatur, e centro  
 unius solis ad centrum alterius pertingens. Quarta classis ha-  
 bet *lapides*, alias *res incrustantes*, tophos, stalactitas, stala-  
 gmitas; cochleas terrestres topho albo obductas ex fonte aureo  
 Megasurrensi; gramina topho albo calcario incrustata, ad fon-  
 tem montis Kohnsteinii, der Striedelborn dictum, obvia;  
 quæ id singulare habent, quod hæc inter topho incrustata  
 gramina globuli hæreant, margaritas, & magnitudine & fi-  
 gura æmulantes; stalactitem specus Bumanni pedem asferis  
 palmipedem, cum suis digitis, mentientem; stalagmitas  
 ostendit Weidenbornenses Eichsfeldianos, materix friabilis,  
 confectiones Anisi l. Coriandri seminis referentes; similes  
 sunt Tiburtinis, Confetti di Tivoli dictis.

Veniendum nunc ad *lapides figuratos ex transmutatione*.  
 Hos Dom. Possessor distinxit in eos, quorum *analogia certa*, &  
 eos, quorum *analogia incerta*. Ad lapides transmutatos, quo-  
 rum *analogia certa*, refert ex regno animalium & quidem *rationa-*  
*lium* varia ossa calcinata & petrificata. Ab *animalibus irrationa-*  
*libus*, & quidem 1) *insectis* possidet araneam petrificatam la-  
 pidi albo Pappenheimensi incumbentem, corpore exili & pe-  
 dibus subtilissimis. 2) *Crustaceis*, cancrum rotundum Orien-  
 talem in gleba argillacea petrificatum, pagurum exacte expri-  
 mentem, cujus crusta superior sulcis suis conspicua est, in-  
 ferior in gyrum suis crenis, imbricum more, incisa est, in  
 cujus medio cetuda articulata injuncta; brachia ei defunt, pe-  
 des quatuor ab uno latere, ab altero vero unum habet. Ejus-  
 modi

Tab. I.  
Fig. III.

modi cancri lapidei eandem virtutem medicam habere creduntur, qualem Bezoardici orientales vi sua absorbente, diaphoretica & alexipharmaca præstant, hinc quoque, ratione pretii eis similes æstimantur, sed inique; virtutes concedimus, minime vero pretium, cum ipsimet tales duobus aureis nummis, quos Ducaten appellamus, procurare possimus. Cancr, quem Dom. Possessor habet, & quem in Tabula hic fig. III. vides, pondere suo tres uncia partes æquat, & pretio triginta thalerorum imperialium a nonnullis æstimatur. Præprimis autem magna copia *testaceorum petrificatorum* phytotameum hoc superbit; ostendit testacea tubulosa monothalamia, tubulos, cochlidas, buccinatas, strombitas, turbinatas, turbinatas, trochitas varios, in specie Turbinitem Sondershusium in matrice dura arenosa, spiris quinque præditum, quarum testa externe scabrosa est, helices vero interne cavæ & guttulis crystallinis aspersæ sunt. Alium ejusd. loci, vel potius nucleum turbinatæ, quatuor spiris separatis, sine fractura e matrice erutum. Ad polythalamia pertinent nautilix & Cornua Ammon, quorum archetypa in mari reperiuntur; pars nautilix Goslariensis, testa nativa splendenti castanei coloris vestita; pars nautilix, testa nivea calcinata, ovi testæ simili, striisque subtilissimis, serpentino ductu testam transversim trajicientibus, amicta, e terra fontis Bollenfis Würtemb. fragmentum nautilix elegans, nativa testa perlacea insignis, quæ luci obversa, ad varias ejus reflexiones variis coloribus, argenteo, croceo, rubro colore, ad modum iridis vel opali, ludit, manifesto antiqui sui stemmatis argumento. Testacea vasculosa s. conchæ petrificæ sunt l. *simplices*, monoconchæ aut univalves, v. g. patellæ, lepades, aures marinx; l. *compositæ*, quas iterum distinxit in bivalves l. dichonchas, & multivalves l. polyconchas. Bivalvibus adscriptis pectinitas, tellinitas, ostracitas, est. v. g. Pectunculitem Querfurtensem, cujus binæ valvæ eleganter adhuc clausæ cohercent; eëtypon Cordis Veneris pectinati Zürichense; ostracit. rugosum, Sempronii in Hungaria inferiori effossum, testa sua adhuc tectum. Multivalvibus adscriptis balanoidas & echinitas,

Tab. II.  
Fig. 4.

B

tas,

Tab. I.  
Fig. IV.

tas, v. g. echino spatagitem lapidis cornei substantia, qui propter figuram cordis, cordatus ab aliis dicitur. Figura scilicet gaudet in vertice latiori, sinu in medio existente; crusta cretacea insuper obductus est, quæ in medio pectoris pentaphylloideam habet imaginem, cujus quodlibet folium secundum longitudinem in medio lineam subtilissimam incisam habet, ad cujus utrumque latus lineæ duæ parallelæ, ex punctis incisæ constantes, concurrunt, quæ lineis transversis subtilissimis connexa sunt. Tota crusta papillis minimis oblecta est, eoque magis speciosa, quo minus primæ archetypi elegantie jacturam sensit. In basi aperturam ostendit centrum inter & marginem, cui respondet alia in superiori vertice illi oblique opposita.

Ad lapides figuratos ab animalibus sanguine præditis propriam suam deducentes, sive sint a reptilibus, s. a natatilibus, s. a volatilibus, s. a gressilibus, pertinent: Vermiculus petrifactus in lap. albo Pappenheim. Oolithi; costula: avis in lap. arenario Quersfurt. dens moralis major Hippopotami in specu Rüdigesdorffiano repertus; alius dens moralis, colore castaneo, immersus matriæ arenosæ Ophusæ, a pisce Sora, circa Siciliam obvio, quem Luidius Ichthyodontem appellavit, Blüthnerus v. perperam pro castanea petrifacta aspexit.

Regnum vegetabile varia quoque habet petrifacta, a plantis terrestribus & marinis ortum trahentia; a plantis terrest. collegit varia lithoxyla, v. g. frustum satis magnum Villavien. se, externe cortice nigro, interne fibris præditum & nodo ramoso spectabile; lithophyta, inter quæ arundo, stris & geniculis suis satis notabilis, ad arundinis Indicæ sacchariferæ species pertinens. A plantis marinis l. lithophytis marinis fossilibus asservat specimina, quæ ratione originis l. lapideæ l. lignæ l. herbaceæ fuerunt, v. g. Corallia, Astroides, stellis non perviis, Columellos, ceratitas, fungitas, poros, alcyonia.

Ordo nunc ad lapides figuratos, quorum origo incerta, ducit. Horum quidam suis criteriis originem animale aut vegetabilem indicant, ita tamen, ut non liquido constet, cui specie assignandi? alii autem ab aliis ad animale alii ad vegeta-

getabilem profapiam referuntur. Inter lapides originis animalis incerte adfunt varia ossa ex specubus patriis & exteris, præcipue odontopetra s. dens molaris magnus pollices fere duos, & quod deest, latus; Cornua Ammonis, quorum analoga adhuc nondum in mari visa sunt, licet constans & certus eorum character satis evincat, ea cornuum Ammonis familiar adscribenda esse. Adest Cornu Ammon. magnum Mega-Tab. I.  
Erichii inventum, striis longe a se distitis, & ad circumfe- Fig. U.  
rentiam in tubercula elatis, futuris serpentiformibus ambitum trajicientibus ornatum, quæ ex ductibus semilunaribus simplicibus & crenatis alternatim se excipientibus constant. Aliud ejusmodi cornu, si striarum absentiæ excipias, in altero latere politum, in quo non solum concamerationum indicia & interstitia, sed etiam in nonnullis suor seleniticus, mira jucunditate, spectatur, Amistadium patriam agnoscens. Porro Gryphitz, terebratulæ &c.

Inter eos vero lapides, quos alii animalis, alii vegetabilis origini adscribunt, hoc museum conspiciendos præbet Entrochos, Trochitas, Asterias, probe ab Astroitis, qui corallii annuerandi, distinguendas; Belemnitas, lap. Judaicos, Encrinos. Quia vero sæpius evenit, ut originalis quædam primæ exque molli lapidum, antequam induruerint, materię suam impresserint formam, quæ postea ex variis causarum injuriis perierunt, relicto suo iconismo, etiam his separatim in museo locum assignavit, & lapides ejusmodi impressionum vestigiis notabiles, *impressor* vocavit, ad distinctionem lapidum ex lusu naturæ diaglypticorum. Inter hos ex regno animalis habet lapides Ichthyomorphos, qui aliis Ichthyolithi vocantur. Ostendit lapidem album fissilem Übermanshofensem, ad marmoream fere duritiem accedentem, & in eo pictis iconem, dorso incumbentem & in semicirculum inflexum, in quo videre datur caput cum ossibus, spina dorſi cum vertebis suis, ex qua ab utroque latere costulæ exeunt, pone has, absumpta carne, videntur squamæ, quæ propter solidiorem consistentiam non æquè facile, ac caro, absumi potuerunt; ad latus corporis pinnae, & in extremitate cauda satis

dilucidè conspiciuntur. Adest lapis fissilis niger, patriam buchholzium pagum agnoscens, in quo piscis, mediam ulnam cum sexdecima ulnæ parte æquantis, effigies cernitur, in hujus pectore ovulorum indicia præsto sunt.

Ex regno vegetabili D. Poss. varia possidet lithophyta, quæ lapides *phytomorphos* nominavit, nempe lapidem sculissem nigrum Ilmenaviensem impressione Equiseti, in cujus caule ab utroque latere unius cujusvis geniculi varix setæ subtiles sese exserunt, notabilem; lap. sciss. nigr. Wettinensem folia Filicis, Polypodii, Gallii, Arundinis sacchariferæ, confuso situ, continentem; lap. fiss. ciner. Silesiacum, imaginem Opii montani Casp. Bauhini amplioribus foliis nigris, nervis perspicuis, sistentem. Nec desunt *bibliomorphi lapides*, ab aliis *lithobiblia* dicti, in massa calcarea & tophi cea foliorum, vestigia venarum doctibus conspicua, videnda præbentes. Satis de lapidibus macrocosmi! Indefessum D. Collectoris in rebus physicis indagandis studium lapicidinas etiam in animalibus observavit. Cum v. non omnes animalium calculi in animalibus concreti, sed nonnulli ab iis saltim deglutiti sint, divisit istos ex animalibus desumptos in *concretos* & *deglutitos*. Ex prioribus possidet oculos 69. non vulgaris magnitudinis; lapides duos serpentis ex Indostan, Pedra dell Cobra de Capello dictos, colore nigro-cinereo, drachmarum trium pondere; lapidem Crocodili Orientalis drachmæ dimidiæ & XIX. granor. lap. vesicarium equi lividum, lævem, rotundum, majus citrium magnitudine æquantem, cujus crusta poris subtilissimis prædita est; in medio usque ad centrum perforatus est, ita ut in cavitate lamellæ, ceparum more sibi invicem impositæ, accrementum successivum indicantes, conspici possint; libram unam semis cum tribus semunciis pondere continet; lap. bez. Leguanæ, XXV. granor. lap. in intestinis ovi repertum, tuber terræ exacte referentem. Inter lapides ab animalibus deglutitos asservat lapidem corneum ad album vergentem colorem, quinquangularem, semipollicis latitudine & longitudine, lævigatissimum, in gallopavonis stomacho repertum, in quo mirandum, quomodo faucium angustias pertransire potuerit.

In peculiari cistula custodiæ tradidit *gemmas* pellucidas, perfectæ & obscure & diaphanas. & non pellucidas.

Sequuntur *mineralia* in specie sic dicta, in hoc museo obvia; Spectantur metallis affinia, fluores, metalla spuria, marmora metallica, Quarze, Spatha, Aerugines, Antimonia, Arsenica, Cadmix, Chrysofolke, Cinnabaris, Cobalta, Galenæ, Marcasitæ, &c. Ex *metallis* habet multas mineras ferri, plumbi, stanni, æris, argenti, auri; in specie arenam martialem Lapplandicam atram, ad litora maris inventam; globulos Martis arenosos Seitendorfsenses Silesiæ; mineram ferri albam Tyrolensem; terram Martialem atro-rubescentem Brachewizensem; mineram plumbi viridescentem Frybergensem; galenam cubicam Anglicanam; Mineram stanni Coruwalensem cubicam, coloris amethystini, semidiaphanam; Cuprum nativum Islebienne, quod *Kupfer-Hüke* metalliflores vocant, Goslariense, Saleense, quod nulla ignis vi adhuc domari potuit; Ilmenaviense capillare; quarzum album Oravizense, cupro nativo foliato prægnans; mineras Siberienses Venereas & Sobieskyenses, quam Solikamskyenses mineram rubram Joh. Georgipolitanam, subtilissimis argenti lamellis, quas metalliflores angeflogen Silber vocare amant, adpersam; aliam Christianicam Norw cui sapphiri immersi sunt; aliam Kunkelensem fissilem semidiaphanam, colore albo ad rubicundum inclinante, weis Glas-Ertz; Marcasitam striatam argenti-feracem Cumberlandicam ex Anglia; Argenti miculas ex Rap-Boda, Hercyniæ rivo, per loturam separatas, Silber-Schlich; Argentum nativum capillare, Haar-Silber, Islebicum, Andreæmontanum, in fila metallica quasi ductum, Drath-Silber, Norwegicum; quarzum album Tunquinsense auro nativo adpersum; quarz. ejusmodi Caskhaviense auro foliato plenum. &c. Nunc avocat nos aliud naturæ polydæ dæ Regnum, nempe *vegetabile*, atque nobis uteri sui elegantes spectandas patefacit delicias; loculamenta offerunt fungos varios, museos, præsertim arbusculis minimis similes, mira colorum varietate ornatos, quos Africæ regio, das Tassen-Eyland vocata, in scopulis submarinis proferit;

arundines, folia arundinis sacchariferæ: plantas marinas, præcipue fungum coralloidem striatum & crispatum, *See-Rose*; radices, ligna, cortices, fructus, semina, v. g. Nelu, Phaseolum divi Thomæ; gummata &c. Expectat nunc illustrationem *Regnū animale*, in hoc videntur *Insecta* varia, alata & non alata, apoda & pedibus prædita. Adfunt lumbrici ex apostemate mulieris exsecti; musca scorpionis. ideo sic dicta, quia caudam caudæ scorpionis similem habet, punctura hujus vulnus vix visibile, quod in magnum excrescit tumorem, efficit. *Crustata* s. *malacostrata* v. g. paguri, squillæ, astaci; *testacea* s. *ostracoderma* magno numero adfunt, hæc eo magis miranda, quo major in iis structuræ & colorum varietas omni veneratione admirandas divinx sapientię divitias pandit. Quis non miretur tot figurarum formas, tot colorum differentias? Dom. Poss. divisit ista in *tubulosa* & *vasculosa*; priora iterum in *monothalamia* & *polithalamia* subdivisit. Ex multis saltem adducemus Buccinum læve atro-cæruleum, cui cancellus, ab aliis Cuman, ab aliis Bernhardus eremita dictus, adhuc insidet; Mitram papalem, sic dictam, quia inversa tiam pontificalem præsentat. Spiræ omnes in extremitate inferiori tuberculis eminentibus dimensis ex æquo spatiis ornantur, & punctis incis, lineas parallelas transversas efformantibus, gaudent, colore luteo albes, & notulis quadratis aurantiis aspersæ sunt. *Plumæ gallorum*, quæ est strombus a proportionem quadam cum pluma struthiocameli a gallis ita denominatus; testam habet crassam & admodum ponderosam, pulchritudinem ejus augent maculæ cinnabarinæ partim rotundæ, partim obtusæ quadrangulæ, supra lacteum colorem, quo testa tingitur, disseminatæ; Oris apertura angustior & longior interne ab una parte simplex, a parte autem altera labiata & rugosa existit, & superiori sui parte in sulcum abit. Concha pluris pretii. Strombos excipiunt *Turbinæ*, ex quibus notatu dignus Turbo, a nonnullis *Fistula musica*, ab aliis *cervinum cornu* dictus, quia summum cervini cornu apicem imitatur; gyros habet non umbonatos, & præstat notulis fere, sed obtusè quadrangulis, castanei coloris, quæ juxta commisu-

Tab. I.  
Fig. V

missuras spirarum dispositæ, eburneum colorem, quo testa imbuta est, discriminant. Ad Turbinum latus in hoc museo habitant Trochi; his confinem locum occupant *Nerita*. Ad sunt porro *cochleæ*, ad has retulit *porcellanas*, v. g. *pediculus marinus* s. *porcellanas* minores, per medium dorsum subtili lacuna, secundum longitudinem, præditas, e quibus ad latus utrumque strix subtiles in oris aperturam excurrunt; *porcellanas* fere *cylindroideas*, a circulis croceis, tanquam Argi oculis, *Argus* dictas; hi circuli testam coloris palearis exornant, supra quam transversim duæ fasciæ albae spectantur; oris apertura alba est, cujus bina labia costulis transversalibus brunnis rigent. Hæc omnium *porcellanarum*, ob raritatem, pretiosissima habetur. His adjecit *Volutas*, in specie volutam, *stercoris muscarum* denominatione insignitam, coloris cinerini, quem punctula nigra & alba tingunt; volutam, *stercus pulicum* nominatam; hæc testam habet albam, in qua stigmata nigra parva cernuntur, ita tamen sita, ut deorsum undulati decurrant. Prope has positi sunt *Cylindri*; hos comitantur *cochleæ* *pyriformes*. His relictiis, transitur ad *polythalamia*, *Nautilus* &c. *Testacea vasculosa* D. Poff. distinxit in *simplicia* & *composita*. Ex prioribus s. *monconchis* asservat *patellas*, *aures marinas*; ex compositis habet *diconchas* l. *bivalves*, *polyconchas* s. *multivalves*. Prioris divisi in *aquilateras*, *inaquilateras* & *anomalar*. Ex *polyconchis* *Balanos* & *Echinos* asservat.

*Animalia reptilia* nunc naturæ curiosos ad sui contemplationem provocant; ex his notamus serpentem Orientalem *Amphisbæna* dictam, elegantissime pictam. Cæcus sit oportet, qui caudam capiti similem judicet, cum autopsia evincat, eam ore, oculis & lingua carere. Ex *piscibus* videre hic præstat *Remoram*, piscem nigrum, capite ovali, quod superiori Tab. II. sui parte non umbonatum sed horizontale existit, subtili linea Fig. II. in medio secundum longitudinem diviso, ex qua ad utrumque latus rugæ carneæ exeunt, quibus piscis adheret fixis l. navibus; Caput acus marinx fere triangulare; *Hirundinem marinam*, ab Indis *Pirabele* dictam.

Ex



Ex *avis* adfunt *Avicula* *Brasiliensis*, *Guainumbi* species, *Columba* *marina* &c. ex *animalibus quadruped.* v. g. *Integumentum* *testudinis* *terrestris* *stellatæ*; *Lacerta* *Africana*, *chalcydia* ab *Imperato* nominata; *Crocodylus* *terrestris* *minor*; pullus *Crocodyli* *ulnæ* *longitudine*; *Chamæleon* *Oriental.* *Amboinicus*, *coloris* *cœrulei*; *caput* *habet* *mitra* *tectum.* &c. Et hæc sunt præcipua, inter multa alia, in hoc *physiotamæo* notatu digna. A natura, artium magistra, ad artem, naturæ pedissequam, nunc transire, & *technophylacium* plur. Rev. D. *Lesseri* describere possemus, verum in sequenti epistola id præstabimus. Vale interim, *Vir Præstantissime*, quam longissime, quam felicissime, & fave *Tux* *eruditionis* & *virtutis* *adoratori* & *cultori* *indefesso*, qui *summi* *honoris* *agnosceret* *loco*, si erit,


*Vir Præstantissime,*  
Cultor Tuus devotissimus,  
Brückmannus. D.

Wolfenb. d. 3. Dec.  
1735.



Tab. I.

ad 6<sup>te</sup> 9<sup>te</sup> I.



II.



V.





Tab. II. ad Ex. It. L.



Fig. I.



II.